

Faaaogaina o punavai paia ua atofaina.

O se lesona na muamua atu na faailoa atu ai ia Adry, o lē sa fesili i le fesili “Afai e i ai moni lava se Atua alofa, aisea o le a Ia faatagaina ai tagata ia puapuagatia?” Ina ia faataitai le sailia o le upumoni mai punavai paia ua atofaina, faaalu ni nai minute e faamaea ai ia le itiiti ifo ma le lua ni gaoioiga nei. Faamaumau i totonu o lau api talaaga o suesuega mea na e aaoaina.

1. Matua ma taitai o le Ekalesia: Tesi atu i se matua poo se taitai o le Ekalesia le fesili a Adry, ma faamatala atu o loo e talanoaina le fesili i le seminare ma e te fia iloa po o le a so latou manatu e uiga i ai.
2. Tatalo: I se tatalo patino le leoa, ole atu i le Alii mo le taitaiga ma musumusuga mai le Agaga Paia i lenei fesili. Tusifaamaumau manatu ma lagona e oo mai ia te oe.
3. Tusiatusiga Paia: Saili ni mau e mafai ona fesoasoani ia Adry. Mo se faataitaiga, e mafai ona e faitau e uiga i le nuu o Alema i le Tusi a Mamona o e na oo i mafatiaga o le faatagataotauaina faaletino (tagai Mosaea 23:21–23; 24:8–15).
4. O perofeta a le Alii: Sue se faamatalaga faaperofeta e mafai ona fesoasoani ia Adry. Mo se faataitaiga, faitau le saunoaga lenei a Elder Joseph B. Wirthlin (1917–2008) o le Korama a Aposetolo e Toasefululua:



O le aoao e onosaia taimi o faanoanoaga, mafatiaga, ma le faavauvau o se vaega o lo tatou aotauina i mea moni o le olaga. O nei aafiaga, e ui ina e masani ona faigata ona onosaia i le taimi e tupu ai, ae o ituaiga aafiaga moni ia e faalauaiteleina ai o tatou malamalamaaga, fausia o tatou tagata, ma faateleina lo tatou agaalofa mo isi.

Talu ai ona sa matuai ogaoga puapuaga o lesu Keriso, o lea e malamalama ai o la i o tatou mafatiaga. E malamalama o la i o tatou tiga. Tatou te oo i mea faigata ina ia tatou maua foi le faateleina o lo tatou agalelei ma le malamalama i isi. (Joseph B. Wirthlin, “Ia Tuu Po o le A Lava se Mea e Tupu, Ia Fiafia Pea,” *Liahona*, Nov. 2008, 27)

- O a ni mea na aao mai e nei punavai o le a e manao e faasoa atu ia Adry?

- O le a se mea ua e aaoaina o le a faia ai se esesega i le auala e te sailia ai tali i fesili faigata?